

分類補註李太白詩卷之十七

明長洲許自昌元祐甫校

送

送魯郡劉長史遷弘農長史

魯國一杯水難容橫海鱗仲尼且不敬況乃尋常人

白玉換斗粟黃金買尺薪閉門木葉下始覺秋非春

齊賢曰孟子以一杯水救一車薪之火海賦魚則橫海之鯨魚人以仲尼爲東家丘周禮考工記注八尺曰尋倍尋曰常楚詞洞庭波兮木葉下王贊曰莊子覆杯水于坳堂之上則芥爲之舟置杯焉則膠賈誼賦彼尋常之汙瀆兮豈能容吞舟之魚橫江湖之鱣鯨兮固將制于螻蟻亦取夫子之道至大天下莫能

答之義此用其意戰國策蘇秦曰楚國食貴于玉薪
貴于桂張協詩尺燼重尋桂紅粒貴瓊瑤良曰燼薪
也紅粒米也一尺之薪價重于一尋之桂而米
亦重于玉也淮南子曰一葉落而天下知秋 聞君

向西遷地即鼎湖鄰寶鏡匣蒼蘚丹經理素塵軒后

上天時攀龍遺小臣及此留惠愛庶幾風化淳 齊賢曰鼎

湖小臣攀龍髯事見前士贇曰尚書注惠愛也愛則民歸之前漢刑法志曰庶幾可及詩大序曰上以風

化下魯縞如白煙五緜不成束臨行贈貧交一尺重山

岳相國齊晏子贈行不及言託陰當樹李志憂當樹

萱他日見張祿綈袍懷舊恩 齊賢曰孔安國曰縞白

不能穿魯縞易之賁曰束帛戔戔子夏傳云五匹爲束三玄三縵象陰陽家語孔子去周老子送之曰富

貴者送人以財仁者送人以言晉趙鞅詩陽虎曰
奈李者夏得其休息秋得其實焉毛詩焉得諉草言
樹之肯注萱草令人忘憂張祿范睢也緝袍戀戀事
見前注士贊曰後漢馮衍傳曰德重山岳澤深河海
選短歌行
思念舊恩

送族弟單父主簿凝攝宋城主簿至郭南月橋
却迴棲霞山留飲贈之

吾家青萍劍操割有餘閑往來糾二邑此去何時還
鞍馬月橋南光輝歧路間賢豪相追餞却到棲霞山
羣花散芳園斗酒開離顏樂酣相顧起征馬無由攀
齊賢曰青萍劍名左傳曰未能操刀而使割也曹植
詩採桑岐路間潘岳詩驅役辛二邑士贊曰鮑照詩

鞍馬光照地又宗黨生光輝酈食其傳縣中賢豪不敢役陶潛詩斗酒聚北隣又綠酒開芳顏江淹別賦云驅征馬而不顧

魯郡東石門送杜二甫

醉別復幾日登臨徧池臺何時石門路重有金樽開
秋波落泗水海色明徂徠飛蓬各自遠且盡手中杯

齊賢曰宋玉九辯慄慄兮若在遠行登山臨水兮送將歸論語子路宿于石門江淹詩金樽坐含霜魯郡有泗水縣毛詩徂徠之松注山名又道如飛蓬士贇曰杜工部嘗有詩贈太白曰何時一樽酒重與細論文今觀此篇豈一時酬答之詩耶

魯郡堯祠送張十四遊河北

猛虎伏尺草雖藏難蔽身有如張公子骭髀在風塵
豈無橫腰劍屈彼淮陰人擊筑向北燕燕歌易水濱
歸來太山上當與爾爲鄰齊賢曰後漢趙壹詩伊優
北堂上骭髀倚門邊注骭
髀高亢緯直之貌淮陰少年侮韓信高漸離擊筑而
歌送荆卿易水上事見前王粲曰後漢竇融傳論拔
起風塵之中孫皓詩曰昔
與爾爲鄰今與爾爲匹

杭州送裴大澤時赴廬州長史

吳中

西江天柱遠東越海門深去割慈親戀行憂報國心
好風吹落日流水引長吟五月披裘者應知不取金

齊賢曰漢書武帝登瀛天柱山文頴曰天柱山在瀛
縣南杭州望海門三山隱隱可見嵇康高士傳披裘

公者吳人延陵季子出遊見道中有遺金時當五月
見披裘負薪顧令取彼金公投鏐嗔曰五月披裘而
負薪豈取金者哉季子大驚問其姓名公曰吾子皮
相之士安足語姓名南史甄彬中山人嘗以一束苧
就長沙寺質錢後贖苧中得五兩金送還寺道人以
半酬彬彬不受謂曰五月披羊裘而負薪豈拾遺金
者耶士贊曰李陵書曰故欲如前書之言報恩于國
主耳陶潛詩好風與之俱曹植詩驚風飄白日忽然
歸西山魏武帝詩
短歌微吟不能長

霸陵行送別

送君霸陵亭。霸水流浩浩。上有無花之古樹。下有傷
心之春草。我向秦人問路歧。云是王粲南登之古道。
古道連綿走西京。紫關冷落日浮雲生。正當今夕斷腸

鴈愁絕不忍聽齊賢曰鴈陽見前管子曰鴈

碧色春水綠波送君南浦傷如之何王粲山陽人獻
帝西遷從至長安以西京擾亂乃之荊州依劉表登
荊州縣城樓作賦以寄意王粲曰景福殿賦淶水浩
浩鮑照詩駟馬停路歧顏延年詩城闕烟塵生江淹
詩日落長沙渚曾陰萬里生選燕歌行
念君客遊思斷腸王粲詩不忍聽此言

送賀監歸四明應制

久辭榮祿遂初衣曾向長生說息機真訣自從茅氏
得恩波應阻洞庭歸瑞臺含霧星辰滿仙嶠浮空島

嶼微借問欲棲珠樹鶴何年却向帝城飛齊賢曰賀知章遷秘

書監天寶中病夢遊市居乃請為道士還鄉里詔許之以宅為千秋觀而居又求周宮胡數頃為放生池

賜鏡湖剡溪一曲既行帝賜詩皇太子百宮錢送晉
孫綽嘗作遂初賦洞仙傳茅蒙字初成師鬼谷先生
受長生之術神丹之方入華山修道合藥乘雲駕龍
白日昇天離騷望瑤臺之偃蹇兮見有娥之逸女淮
南子崑崙中有增城九重珠樹玉樹漢陳咸數賂
遺陳湯予書曰即蒙子公力得入帝城死不恨

送竇司馬貶宜春

天馬白銀鞍親承明主歡鬪雞金宮裏射鴈碧雲端
堂上羅中貴歌鐘清夜闌何年謫南國拂劍坐長歎
趙璧爲誰點隨珠枉被彈聖朝多雨露莫厭此行難
齊賢曰漢志渥洼水出天馬徐敬業詩汗馬躍銀鞍
曹植詩鬪雞東郊道史秦旣得趙璧無意與城蘭扣
如回之曰此璧有瑕以歸呂氏春秋隨侯之珠彈千
刃之雀也必笑之說花道侯之珠用之彈雀不如泥

貴士賈曰漢李廣傳曰使中貴人從廣明處曰內之
貴幸者開羅事見三卷鮑照詩庭下列歌鐘曹植詩
清夜遊西園聖朝多雨露即唐書制曰朕以恩澤者
帝王之雨露之意記孔子問居曰天有風雨霜露無
非教也

送羽林陶將軍

將軍出使擁樓船江上旌旗拂紫煙萬里橫戈探虎

穴三杯拔劍舞龍泉莫道詞人無膽氣臨行將贈繞

朝鞭

齊賢曰唐志左右羽林軍大將軍各一人正三品將軍各三人從三品掌統北衙禁兵督攝左右

右廂飛騎儀仗大朝會則周衛階陛巡幸則夾馳道為內仗通典樓船船上建樓三重列女櫓戰格櫓櫓
識開弩牕矛穴狀如城壘周禮熊虎為旗析羽為旌
漢書班超曰不入虎穴不得虎子史記項莊拔劍起

舞龍泉劍名左傳士會辭秦歸繞朝贈之以策士贊
已班固東都賦旌旗拂天鮑照詩揚芬紫烟詞人
太白自稱也揚子曰
詞人之賦麗以淫

送程劉二侍郎兼獨孤判官赴安西幕府

安西幕府多材雄喧喧惟道三數公繡衣貂裘明積

雪飛書走檄如飄明朝辭明主出紫宮銀鞍送別金

城空

齊賢曰唐志安西都護府治四州後徙治高昌
故地又徙治龜茲都督府而設府後為西州李

廣傳幕府省約文書師古曰幕府以軍幕為義軍旅
無常止故以帳幕言之漢百官公卿表侍御史有

繡衣立指蘇秦黑貂之裘弊說文檄尺二書也師古
曰為檄文馳以示遠所西都賦煥若列宿紫宮是環

徐敬業詩汗馬躍銀鞍過秦
曰金城千里士贊曰

飄飄天外飛霜下
蔥海火旗雲馬生
光彩胡塞清塵

幾日歸漢家草綠遙相待

齊賢曰漢書西則限以蔥嶺師古曰西河舊事云蔥

嶺其山高大上悉生蔥故以名考工記龍旂九旂以象大火鳥旗七旂以象鶉火大火蒼龍宿之心鶉火朱鳥宿之柳士贊曰張景陽七命飛霜迎節高風送秋禮冬官考工記輶人龍旂九旂以象大火也注曰交龍爲旂諸侯之所建也大火蒼龍宿之心其屬有尾尾九星魏文帝詩上天垂光彩曹植詩顧盼遺光彩

送姪良携二妓赴會稽戲有此贈

携妓東山去春光半道催遙看若桃李雙入鏡中開

齊賢曰王羲之云每行山陰道上如鏡中游士贊曰謝安携妓東山事見前曹植詩曰南國有佳人容華

勝
李

送賀賓客歸越

鏡湖流水漾清波，狂客歸舟逸興多。
山陰道士如相

見，應寫黃庭換白鵝。

齊賢曰：賀知章自號四明狂客。事見前詩。羲之傳：山陰道士養

好鵝，羲之往觀，意甚悅。道士云：為寫道德經當舉羣相贈。羲之欣然寫畢，籠鵝而歸。

送張遙之壽陽幕府

壽陽信天險，天險橫荆關。
苻堅百萬衆，遙阻八公山。

不假築長城，大賢在其間。
戰夫若熊虎，破敵有餘閑。

張子勇且英，少輕衛霍屏。
投軀紫髯將，千里望風顏。

勗爾效才略功成衣錦還

齊賢曰壽春縣屬九

曰天險不可升八公山一名淝陵山在壽春縣北四里李勣傳治并州十六年以威肅聞帝嘗曰楊帝不擇人守邊勞中國築長城以備虜今我用勣守并突厥不敢南賢長城遠矣獻帝春秋張遼問吳降人向有紫髯將軍上長下短便馬善射是誰曰孫會稽朱買臣并會稽太守上曰富貴不歸故鄉如衣錦夜行士贇曰苻堅兵敗見八公山草木見晉師事見前卷注爾雅釋名熊虎為旗將軍所建象其猛如熊虎也衛霍衛青霍去病也二人皆漢名將辱字義出漢書張耳傳云吾王孱王也孟康曰冀州人謂懦弱為孱漢田延年傳云以才略給事幕府

送裴十八圖南歸嵩山二首

何處可為別長安青綺門胡姬招素手延客醉金樽

臨當上馬時我獨與君言風吹芳蘭折日沒鳥雀喧
舉手指飛鴻此情難具論同歸無早晚潁川有清源

齊賢曰長安霸城門曰青門古詩纖纖出素手曹植
樂府金樽玉杯不能使薄酒更厚高士傳許由隱而
去耕于中岳潁水之陽士贇曰嵇康詩目送飛鴻謝
靈運詩客遊倦水宿風潮難具論手詩與子同端

其二

君思潁水綠忽復歸嵩岑歸時莫洗耳爲我洗其心
洗心得真情洗耳徒買名謝公終一起相與濟蒼生

齊賢曰巢父洗耳事見前繫辭聖人以此洗心江淹
書云進不買名聲于天下晉書曰安石不起當如蒼

同王昌齡送族弟襄歸桂陽二首

秦地見碧草楚謠對清樽把酒爾何思鷓鴣啼南園
余欲羅浮隱猶懷明主恩躊躇紫宮戀孤負滄洲言
終然無心雲海上同飛翻相期乃不淺幽桂有芳根
齊賢曰江淹賦春草碧色南越志鷓鴣雖東西迴翔然開翅之始必先南翥其鳴自呼杜薄州羅浮山在增城博羅二縣之境西京賦正紫宮于未央揚雄機靈賦世有黃公者起于滄州謝朓詩復協滄洲趣謝靈運詩終然謝天伐陶潛辭雲無心而出岫王粲詩苟非鴻鵬孰能飛翻士贇曰周易何思何慮張協詩胡蝶飛南園鮑照詩投軀報明主晉劉琨傳曰其意氣相期如此唐書高祖謂尉遲敬德曰丈夫當以意氣相期細味此詩非一飯不忘君者乎議者何厚誣太白之不如杜也

其二

爾家何在瀟湘川青莎白石長江邊昨夢江花照江
國幾枝正發東牕前覺來欲徃心悠然魂隨越鳥飛
南天秦雲連山海相接桂水橫煙不可涉送君此去
令人愁風帆茫茫隔河洲春潭瓊草綠可折西寄長

安明月樓

齊賢曰楚詞青莎雜樹繁草薶靡古詩越鳥巢南枝謝靈運詩且帆桂水潮詩云在

河之洲王贊曰張衡詩欲徃從之嶺坂長晉謝安嘗與王羲之登冶城悠然遐想有高世之志晉天文志秦雲如行入江淹別賦送君南浦傷如之何繁欽述行賦茫茫河濱謝靈運詩河洲多沙塵十洲記方丈州有瓊

送外甥鄭灌從軍三首

六博爭雄好彩來金盤一擲萬人開丈夫賭命報天

子當斬胡頭衣錦回

士贊曰楚詞篋箠象床有六博晉書劉毅一擲百萬角史張讓

白口一擲出手得盧北史高琳侍宴賦詩曰何以報服天子沙漠淨妖氛爭雄金盤衣錦三事並見前

其二

丈人蛇矛出隴西彎弧拂箭白猿啼破胡必用龍韜

策積甲應將熊耳齊

齊賢曰晉載記陳安敗死隴上人歌曰丈人蛇矛左右盤十盪

十決無當前淮南子楚王有白猿使養由基射之矯矢未發而猿擁柱號矣太公六韜有龍韜尤武降赤眉于宜陽積兵甲宜陽城西與熊耳山齊士贊曰鮑照詩彎弧不解張

其三

月蝕西方破敵時及瓜歸日未應遲斬胡血變黃河

水梟首當懸白鵲旗齊賢曰酉陽雜俎李太白聞祿山反作胡無人詩曰太白入月

敵可摧後祿山死日果見太白蝕月左傳瓜時而往及瓜而代崔鴻十六國春秋伏都攻冉閔為閔所殺橫尸相枕血流成渠史記武王斬紂縣之白旗

送千十八應四子舉落第還嵩山

吾祖吹簫籥天人信森羅歸根復太素羣動熙元和

炎炎四真人摛辨若濤波交流無時寂楊墨日成科

夫子聞洛誦誇才才故多為金好踴躍久客方蹉跎

三花如未落乘興一來過

齊賢曰吾祖老子也老子云天地之間其猶橐籥乎

又云萬物芸芸各復其根歸根曰靜列子曰太素者質之始也莊子云何謂真人古之真人登高不慄入水不濡入火不熱孟子曰楊朱墨翟之言盈天下莊子曰剽墨之子洛誦之孫又曰大冶鑄金金踊躍曰我必為鏹鄒大冶必以為不祥之金阮嗣宗詩白日忽蹉跎淵明歸去來詞時庭柯以怡顏王子猷云乘興而來王贊曰莊子曰皆稟于二不離于宗謂之天人謝靈運詩窈窕究天人陶潛詩日入羣動息三花聚頂五氣朝元道家修養法也三花落則死矣三花未落乘興來過言有生之年未死之日猶有再會之期也

送別

尋陽五溪水汭迤直入巫山裏勝境由來人共傳君

到南中自稱美送君別有八月秋颯颯蘆花復益愁

雲帆望遠不相見日暮長江空自流

齊賢曰酈道元注水經曰武陵

有五溪謂雄溪楠溪酉溪瀟溪辰溪土俗雄作熊楠作明瀟作武悉是蠻夷所居故謂之五溪蠻皆獠瓠子孫在今辰州界江賦所沿流注逆流而上曰沅沅順流而下曰沿巫山見前士贇曰尋陽五溪水沿山也巫山介乎夔峽二州之間峽有青溪赤溪綠蘿溪澹沱溪姜詩溪為峽之五溪必知別者由九江徑之二岐而入巫山也今子見直出為武陵五溪恐失詩意按此五溪由元合相緒于洞庭至岳陽而後入江與巫峽地勢不相聯屬借曰山水亦經尋陽太白當肯遺乎沅湘洞庭之大而獨

君南浦傷如之何馬融廣成頌方餘鯉連舫舟張雲
帆施帆幃王勃詩檻外長江空
自流孟子有字音又此有字同

送族弟綰從軍安西

漢家兵馬乘北風鼓行而西破犬戎爾隨漢將出門
去剪虜若草收奇功君王按劍望邊色旄頭已落胡

天空匈奴繫頸數應盡明年應入蒲萄宮

齊賢曰張良世家曰

使布聞之則鼓行而西耳穆王西征犬戎得四白鹿
四白狼陸機詩天子按劍怒說苑秦帝按劍而坐晉
天文志昴七星為旄頭胡星見前賈誼曰請必係單
于之頸漢元壽三年單于來朝舍之上林苑蒲萄宮

送梁公昌從信安北征

入幕推英選。捐書事遠戎。高談百戰術。鬱作萬夫雄。
起舞蓮花劍。行歌明月宮。將飛天地陣。兵出塞垣通。
祖席留丹景。征麾拂彩虹。旋應獻凱入。麟閣佇深功。
齊賢曰。孫子曰。百戰百勝。非善之善者也。漢高紀。項
莊曰。軍中無以爲樂。請以劍舞。晉灼曰。古長劍首以
玉作井鹿盧形。上刻木作山形。如蓮花初生。未敷時。
虎韜武王問太公曰。凡用兵爲天陣地陣人陣。奈何。
太公曰。日月星辰斗杓一左一右。一向一背。此謂天
陣。丘陵水泉亦有前後左右之利。此謂地陣。用車用
馬。用文用武。此謂人陣。古今注。塞者所以擁塞夷狄。
風俗通云。共工氏子好遠遊。故祀以爲祖。神祖徂也。
古今注。麾所以指麾武王秉白旄以麾是也。丹景日
也。沈休文詩。標峰綵虹外。楚詞。建綵虹以招指。周官
大司樂。王軍大獻則鼓其愷樂。愷歌。大司馬若師有

鄒生可謂入幕之賓矣陸機詩高談一何綺史記魏
外黃徐子謂太子申曰臣有百戰百勝之術書曰萬
夫之長比史高昂傳論曰昂昂膽力氣冠萬夫王粲
詩生爲百夫雄死爲壯
士規莊子行歌而去之

送白利從金吾董將軍西征

西羌延國討。白起佐軍威。劍決浮雲氣。弓彎明月輝。
馬行邊草綠。旌卷曙霜飛。抗手凜相顧。寒風生鐵衣。

齊賢曰漢有東羌西羌西羌本出三苗羌姓之別其
國近南岳及舜流之三危河關之西南羌地是也瀘
於賜支至平河首綿地千里賜支禹貢析支也南接
蜀漢徼外蠻夷西北鄰善車師諸國所居無常依隨
水草地少五穀以產牧爲業史記白起郢人善用兵
事秦昭王爲武安君士贇曰莊子曰天子之劍上決

浮雲下絕地紀此劍一用匡諸侯貢下服矣孔叢子
曰子高游趙還有鄒文李節者送別流涕交頤子高
抗手而已

送張秀才從軍

六駮食猛虎耻從驚馬羣一朝長鳴去矯若龍行雲
壯士懷遠略志存解世紛周粟猶不顧齊珪安肯分
抱劍辭高堂將投崔冠軍長策掃河洛寧親歸汝墳
當令千古後麟閣著奇勲

齊賢曰毛詩隰有六駮毛
長曰駮如馬鋸牙食虎豹

屈原十居云將隨驚馬之跡乎樊噲入項王曰壯士
願延年陶徵士誄曰解體世紛結志區外史記武王
平殷伯夷叔夷不食周粟隱于首陽山左思詩吾慕

傳諸將皆屬宋義號爲卿一冠軍張宴曰若霍去病
功冠三軍因封爲冠軍侯師古曰冠軍言其在諸軍
之上過秦論曰奮長策而御宇內時祿山思明據洛
陽陽子孝莫大于寧親毛詩汝墳云墳洼也虞義
詩當今麟閣上千載有雄名士贊曰前漢西域傳張
騫懷致遠之略按猛武當作猛虎昔唐國
請虎故以武易之異代不諱因校正焉

送崔度還吳度故人禮部員外輔國之子

幽燕沙雪地萬里盡黃雲朝吹歸秋鴈南飛日幾羣
中有孤鳳雛哀鳴九天聞我乃重此鳥綵章五色分
胡爲雜凡禽雞鶩輕賤君舉手捧爾足疾心若火焚
拂羽淚滿面送之吳江濱去影忽不見躊躇日將曛

齊賢曰唐幽州范陽郡幽都縣武德元年爲燕州謝
靈運詩風悲黃雲起淮南子曰黃泉之埃上有黃雲
東觀記鳳高八尺五彩易林曰鳳生五雛屈原十居
云將與雞鶩爭食乎月令云鳴鳩拂其羽左思詩躊
躇足力煩士贇曰江淹詩黃雲蔽千里詩云哀鳴嗷
嗷又如惓如焚憂心如熏絲章五色見前周禮水涯
曰漬鮑照詩
向風起江濱

送祝八之江東賦得浣紗石

西施越溪女明艷光雲海未入吳王宮殿時浣紗古
石今猶在桃李新開映古查菖蒲猶短出平沙昔時
紅粉照流水今日青苔覆落花君去西秦適東越碧
山青江幾超忽若到天涯思故人浣紗石上窺明月

鄭旦西施先習禮于上城山山邊有石是西施浣紗
石士贊曰王簡栖頭陀寺
碑東望平阜千里超忽

送侯十一

梁宋

朱亥已擊晉侯嬴尚隱身時無魏公子豈貴抱關人
余亦不火食遊梁同在陳空餘湛盧劍贈爾託交親
齊賢曰禮記有不火食者矣論語孔子在陳絕糧越
絕書闔閭無道湛盧之劍去之入水土贊曰侯嬴進
朱亥于公子無忘事見前曹柏詩親
交義不薄漢司馬相如傳曰薄遊梁

魯中送二從弟赴舉之西京

再至魯中一作送族弟鎰

魯客向西笑君門若夢中霜凋逐臣髮日憶明光宮

復羨二龍去才華冠世雄平衢騁高足逸翰凌長風

舞袖拂秋月歌筵聞早鴻送君日千里良會何由同

齊賢曰桓子新論云人聞長安樂則出門向西而笑

三輔舊事云桂宮內有明光殿吳陶丘洪薦劉繇字

正禮刺史曰前年舉山公奈何復舉正禮洪曰若使

君用山公于前擢正禮于後所謂御二龍于長途爾

雅四達謂之衢宗慙乘長風破萬里浪史記長袖善

舞士贊曰鮑照詩逐臣對撫心漢元后弟成都侯王

尚嘗病暑從上借明光宮後漢許劭字子將與鳳虔

並知名汝南人稱平輿淵有二龍齊柳惔與兄悅王

儉謂柳氏二龍盧湛詩智勇

冠當世江淹詩送君如昨日

奉餞高尊師如貴道士傳道錄畢歸北海

齊州

道隱不可見靈書藏洞天吾師四萬劫歷世遞相傳

別杖留青竹行歌躡紫烟離心無遠近長在玉京懸

齊賢曰神仙傳壺公謂費長房曰我某日去卿能去乎曰欲親眷不知其去有何計公乃取一青竹杖與長房曰卿以竹杖歸家便可補病以此竹杖置臥處默然便來房如公言去後家人見房死尸在床哭葬之及歸公又與竹杖曰但騎此得到家房騎竹杖辭去忽如睡覺已到家具述視之乃青龍也古白鴻頌茲亦耿介矯翮紫烟士贇曰老子云道隱無名記禮運曰今大道既隱天下為家莊子曰夫道可傳而不可受可得而不可見又曰道不可聞聞而非也道不可見見而非也道經有靈書二十四事乃老君授青童天君者又莊子齧缺問道被衣被衣言未卒齧缺睡被衣大悅行歌而去之玉京見十四卷

金陵送張十一再遊東吳

金陵

張翰黃花句風流五百年誰人今繼作夫子世稱賢

再動遊吳棹。還浮入海船。春光白門柳。霞色赤城天。
去國難爲別。思歸各未旋。空餘賈生淚。相顧共悽然。
齊賢曰。張翰字季鷹。吳人。詩曰。青條若總翠。黃花如散金。金陵有白下門。會稽記赤城山。色赤狀似雲霞。曲禮丈夫士去國祭器不踰境。史記賈生爲梁懷王太傅。數年王墮馬死。無後。生自陽爲傳。無狀哭泣。歲餘亦死。士贊曰。漢書漢王心悽然。憐薄姬。

送紀秀才遊越

海水不滿眼。觀濤難稱心。即知蓬萊石。却是巨鰲簪。
送爾遊華頂。令余發鳥吟。仙人居射的。道士住山陰。
禹穴尋溪入。雲門隔嶺深。綠蘿秋月夜。相憶在鳴琴。

曲江孔靈符會稽記射的山南有白鶴山此鶴爲仙人取箭王羲之傳山陰有道士養好鵝羲之往觀焉太史公自序云上會稽探禹穴張晏曰禹巡狩至會稽而崩因葬焉土有孔穴民間云禹入此穴若耶溪雲門寺在越州會稽縣南齊何胤嘗遊焉郭璞詩綠蘿結高林北山移文秋蘿罷月左思詩巖穴無結構丘中有鳴琴士贇曰巨鰲戴山及莊烏越吟並見前陶潛文孤遺滿眼

送長沙陳太守二首

長沙陳太守逸氣凌青松英主賜五馬本是天池龍

湘水迴九曲衡山望五峰榮君按節去不及遠相從

齊賢曰漢儀太守五馬周禮馬八尺以上爲龍士贇曰魏文帝與吳質書曰公幹有逸氣但未適耳晉書

桓溫傳史臣曰桓溫挺雄豪之逸氣江淹詩青松挺秀萼銑曰青松喻真性也莊子曰南溟者天池也子虛賦案節未舒師古曰案節猶弭節也

其二

七郡長沙國南連湘水濱定王垂舞袖地窄不迴身

莫小二千石當安遠俗人洞庭鄉路遠遙羨錦衣春

齊賢曰唐志潭州長沙郡衡州衡陽郡永州零陵郡道州江華郡郴州桂陽郡邵州邵陽郡止六郡湘水見前注漢書長沙定王發母唐姬故程姬侍者景帝召程姬程姬有所避不願進而節侍者唐兒使夜進上醉不知以為程姬而幸之生子因名發以母微而無寵故王卑濕貧國應邵曰景帝後二年諸王來朝有詔更前稱壽歌舞定王但張袖小舉王左右笑其

石二千石皆卑蓋朱兩轡師古曰中二千石實得一千石也中之爲言滿也月得一百八十斛是一歲凡得二千一百六十石言二千者舉成數也周高祖謂劉雄曰古人云富貴不歸故鄉猶衣錦夜遊今以卿爲本州如何

送楊燕之東魯

關西楊伯起漢曰舊稱賢四代三公族清風播人天

夫子華陰居開門對玉蓮何事歷衡霍雲帆今始還

齊賢曰楊震字伯起號關西夫子延光二年爲太尉震子秉延熹五年代劉矩爲太尉子賜字伯獻熹平二年代唐珍爲司空後拜太尉子彪字文先光和六年代董卓爲司空其冬代黃琬爲司徒彪傳云自震至彪四世太尉德業相繼則五公當爲三公今釐正之華山記山頂有池生于葉蓮花服之羽化因名華

山山有蓮花峰（士贊曰）晉陶潛傳論曰激清風于來
葉衡山記衡山南嶽也至黃帝乃以瀋霍一山為副
爾雅霍山為南嶽蓋因其制也至漢武帝南巡又以
衡山遐遠阻江乃徙南嶽之祭于廬江瀋山北亦軒
轅副義也馬融廣成頌曰張雲帆施蛻幘君坐稍解顏為我歌此篇我固

侯門士謬登聖主筵一辭金華殿蹭蹬長江邊二子

魯門東別來已經年因君此中去不覺淚如泉（齊賢曰）

子云夫子始一解顏而笑西都賦金華玉堂後漢書
楊賜勸講金華海賦蹭蹬窮波太白子伯禽及女皆
在魯（士贊曰）漢書樓護傳王氏賓客滿門五侯爭名
其客各有所厚不得左右唯護盡入其門咸得其懽
心劉琨詩淚下如流泉

燕客期躍馬唐生安敢譏採珠勿驚龍大道可暗歸

故山有松月遲爾翫清暉

齊賢曰莊子夫欲勉于形者莫如棄世棄世則無累

矣鮑照詩君平獨寂寞身世兩相棄列子曰至人揮斥八極神氣不變史記蔡澤燕人從唐舉相唐舉熟視而笑曰先生昂鼻巨肩顴顏蹙齧膝孿吾聞聖人有所不知者壽也舉曰先生之壽從今以往者四十三歲澤笑譁而去謂御者曰吾持梁刺齒曜肥馬疾驅懷黃金之印結紫綬于腰揖讓人主之前食肉富貴四十三年足矣莊子曰千金之珠必在九重之淵而騏龍頷下子能得珠者必遭其睡也士贇曰老子曰大道甚夷民好徑謝靈運詩曰昏旦變氣候山水含清暉清暉能娛人遊子澹忘歸又溟漲無端倪

送蕭三十一之魯中兼問稚子伯禽

六月南風吹白沙吳牛喘月氣成霞水國鬱蒸不可
處時炎道遠無行車夫子如何涉江路雲帆嫋嫋金
陵去高堂倚門望伯魚魯中正是趨庭處我家寄在
沙丘傍三年不歸空斷腸君行旣識伯禽子應駕小
車騎白羊

齊賢曰世說滿奮對晉武曰臣猶吳牛見月而喘注今之水牛生江淮間謂之吳牛

南土多暑而此牛畏熱見月疑是日所以見月則喘戰國策齊王孫賈之母謂賈曰汝朝出而晚來則吾倚門而望孔鯉字伯魚論語他日又獨立鯉趨而過庭十贊曰顏延年詩水國周地險范彥龍詩水國富莫奇古詩涉江采芙蓉馬融廣成須張雲帆旣蜺旌

定同弱弱步次風史句以專曰見能騎羊射鳥鼠

我有萬古宅。嵩陽玉女峰。長留一片月。挂在東溪松。

爾去掇仙草。菖蒲花紫茸。

一作君行到此峰餐霞駐衰容

歲晚或相

訪。青天騎白龍。

齊賢曰嵩山有玉女峰抱朴子曰菖蒲須石上一寸九節已上紫莖者尤

善神仙傳王興城陽人居壺谷中凡民也漢武帝嵩山登大愚石起道宮使董仲舒東方朔等齋潔思神至夜忽見仙人長二丈耳出頭巔下至肩武帝禮而問之仙人曰吾九疑之人聞中岳石上菖蒲一寸九節可以服之長生故來采耳忽失神人所在帝顧侍臣曰彼非學道服食者必中岳之神以喻朕耳爲之采菖蒲服之經三年覺夢不快遂止時從官多服然莫能持久唯王興聞仙人教武帝乃采服之不息遂得長生鄰里老小皆云世見之神仙傳太真夫人名婉羅與馬明生居所往常有白龍迎之

送殷淑二首

海水不可解連江夜爲潮俄然浦嶼闊岸去酒船遙
惜別耐取醉鳴榔且長謠天明爾當去應便有風飄

齊賢曰

榔漁人所擊板也

杜贊曰

劉琨詩引領長謠

其二

白鷺洲前月天明送客回青龍山後日早出海雲來
流水無情去征帆逐吹開相看不忍別更進手中杯

齊賢曰

史正志碑秦淮與外江夾一洲曰白鷺士贊

曰鮑照詩云徘徊留連不忍散陶潛詩云且進杯中

痛飲龍筇下。燈青月復寒。醉歌驚白鷺。半夜起沙灘。

送岑徵君歸鳴皋山

岑公相門子。雅望歸安石。奕世晷夔龍。中台竟一作有

三拆。至人達機兆。高揖九州伯。奈何天地間。而作隱

淪客。貴道能一作皆

一作皆

全真。潛輝臥幽鄰。探元入寶默。觀

化游無垠。

齊賢曰。孟嘗君曰。將門必有將。相門必有相。晉謝安字安石。少有重名。奕世累世也。

張華爲開府儀同三司。少子驥以中台星拆。勸華遜位。不從。曰。天道玄遠。唯修德耳。卒見誅。列子曰。至人潛行。虛空蹈火。不執行乎萬物之上。而不慄。高桓玄曰。父爲九州伯。桓譚新論曰。天下神人五一曰神仙。

二曰隱淪謝靈運詩既往隱淪客莊子廣成子曰至道之精窈窈冥冥至道之極昏昏默默滑介叔曰吾與子觀化而化及我我又何惡焉士贊曰謝靈運詩高揖七州外記聘義曰天下莫不貴者道也莊子孔子曰子之道非可以全真者也嵇康詩志在守璞養素全真賈誼賦曰垓北無垠

光武有天

下嚴陵爲故人雖登洛陽殿不屈巢由身余亦

主今稱偃蹇臣登高覽萬古思與廣成鄰蹈海寧受

賞還山非問津西來一搖扇共拂元規塵

齊賢曰莊子黃帝聞

廣成子在空同之上往見之論語使子路問津王導傳庾亮據上流擁強兵導內不能平嘗遇西風塵起舉扇自蔽徐曰元規塵汚人士贊曰江淹詩偃蹇尋青雲阮籍詩登高望九州盧諶詩登高眺遐荒顏延之詩萬古陳往還嚴子陵

送范山人歸太山

魯客抱白鶴

一作雞

別余往太山初行若片雲

一作雪

香

在青嶠間高高至天門日觀

一作海日


近可攀雲山望不

及此去何時還

齊賢曰漢官儀曰太山東名曰日觀雞一鳴時見日始出長三丈所王贊

旦太山記云泰山盤道屈曲而上凡五十餘盤經小天門大天門西岩為仙人石門東岩為介丘東南岩名曰日觀詩云瞻望不及江淹詩曰黃雲蔽千里遊子何時還

分類補註李太白詩卷之十七



分類補註李太白詩卷之十八
長洲後學許自昌元祐甫校

送

送韓侍御之廣德

昔日繡衣何足榮
今宵貰酒與君傾
暫就東山賒月

色酣歌一夜送泉明

士贊曰繡衣相如貰酒謝安東山事見前

白雲歌送友人

楚山泰山多白雲
白雲處處長隨君
君今還入楚山裏
雲亦隨君渡湘水
水上女蘿衣白雲
早臥早行君

早起于贊曰此詩已見第六卷特首尾數語不同而此則尾語差拙恐是初本未經改定者今兩存之

送通禪師還南陵隱靜寺

我聞隱靜寺。山水多奇蹤。巖種明公橘。門深杯渡松。道人制猛虎。振錫還孤峰。他日南陵下。相期谷口逢。

齊賢曰傳燈錄婺州有木陳從朗禪師劉宋時杯渡者不知姓名常乘木杯渡水惠忠禪師居禪祚寺有供僧穀兩廩盜若窺虎即守之縣令張遜至山頂謁問師有何徒弟師曰有三五人遜曰如何得見師敲禪牀有三虎哮吼而出遜驚怖而退永嘉真覺禪師初至曹溪參六祖遶繩牀三匝振錫而立唐南陵縣隸宣州土贊曰具伴記沙

送友人

青山橫北郭。白水遶東城。此地一爲別。孤蓬萬里征。
浮雲遊子意。落日故人情。揮手自茲去。蕭蕭班馬鳴。
齊賢曰曹植詩轉蓬離本根飄飄隨長風類此客遊
子捐軀從遠戎毛詩蕭蕭馬鳴左傳有班馬之聲士
贊曰鮑照蕪城賦孤蓬自振驚沙生飛向曰孤蓬草
也無根而隨風飄轉者自喻客遊也江淹詩渺然萬
里遊古詩浮雲蔽白日遊子不顧返史范睢曰綈袍
戀戀有故人之意任昉詩一朝萬化盡猶我故人情
劉玄休詩揮
手從此辭

送別

斗酒渭城邊。頭醉不眠。梨花千樹雪。楊葉萬條烟。

惜別傾壺醕臨分贈馬鞍看君賴上去新月到應圓

齊賢曰選古詩斗酒相娛樂漢書注師古口賣酒之處累土為壚以居酒瓮四邊隆起其人面高形如鍛壚故名壚耳左傳士會自秦歸晉繞朝贈之以策唐賴上縣隸潁州汝陰郡王贊曰楚詞思不眠以至曙陶潛詩曰斗酒聚比鄰又傾壺絕餘瀝毛詩云有酒醕我

江上送女道士褚三清遊南嶽

吳江女道士頭戴蓮花巾霓衣不濕雨特異陽臺雲足下遠遊履凌波生素塵倦尋向南嶽應見魏夫人

齊賢曰太霄經曰人行大道謂之道十周穆王因尹軌制樓觀遂召幽逸之人為道士楚詞青雲衣兮白霓裳陽臺雲見前洛神賦踐遠遊之文履又凌波微

曰退二子相立乃齋于別寢將逾三月太極真人等
來降授神真之道在世八十三年以管成帝咸和九
年清虛真人王褒與東華青童與夫人成藥兩劑服
之白日上昇領上真司命南嶽夫人
此秩仙公使治天台大霍仙洞臺中

送友人入蜀

見說蠶叢路。崎嶇不易行。山從人面起。雲傍馬頭生。
芳樹籠秦棧。春流遶蜀城。升沉應已定。不必問君平。
士贊曰蠶叢棧道又嚴君平賣卜于成都市並見前
阮籍詩芳樹垂綠葉謝朓詩雲行芳樹低江朝請綠
水曲春流
豈難越

送趙雲卿

白玉一杯酒。綠楊三月時。春風餘幾日。兩鬢各成絲。
秉燭唯須飲。投竿也未遲。如逢渭川獵。猶可帝王師。
王贊曰古詩晝短苦夜長何不秉燭遊莊子曰任公
子投竿東海旦旦而釣周西伯出獵得呂尚于渭川
迎以爲師
事見二卷

送李青歸南葉陽川

伯陽僊家子。容色如青春。日月秘靈洞。雲霞辭世人。
化心養精魄。隱几窅天真。莫作千年別。歸來城郭新。
齊賢曰神仙傳老子名耳字伯陽楚國芒縣曲仁里
人其母感大流星而有娠雖受氣天然見于李家猶
以李爲姓或云老子先天地生或云天之精魄盡神

姓家之姓或云老子之生適至李樹下而生老子生而能言指李樹曰以此爲我姓或曰上三皇時爲玄中法師下三皇時爲金闕帝君伏羲時爲鬱華子神農時爲九靈老子祝融時爲廣壽子黃帝時爲廣成子顓頊時爲赤精子帝嚳時爲錄圖子堯時爲務成子舜時爲尹壽子禹時爲真行子湯時爲錫則子文王時爲文邑先生一爲守藏史皆見于羣書不出于神仙正傳未可據也葛稚川云按西昇中胎及復命胞及珠韜玉机全篇內經云老子黃白色美鬚廣額長耳大目疎齒方口原脣額有三五達理日角月懸鼻純骨雙柱耳有三漏門足跖三五手把十文以周文王時爲守藏史武王時爲柱下史時俗見其久壽故號老子遼東華表柱上有鶴云有鳥有鳥丁零威去家千年今始歸城郭猶是人民非士贇曰江淹詩雲霞肅川張郭璞江賦納隱淪之列真挺異人之精魄江淹詩偃蹇尋青雲隱淪駐精魄道人讀丹經方上煉玉液左傳心之精爽是爲魂魄孟子隱几而臥

白玉一杯酒。綠楊三月時。春風餘幾日。兩鬢各成絲。
秉燭唯須飲。投竿也未遲。如逢渭川獵。猶可帝王師。
王贊曰古詩晝短苦夜長何不秉燭遊莊子曰任公
子投竿東海旦旦而釣周西伯出獵得呂尚于渭川
迎以為師
事見二卷

送李青歸南葉陽川

伯陽僊家子。容色如青春。日神秘靈洞。雲霞辭世人。
化心養精魄。隱几睂天真。莫作千年別。歸來城郭新。

齊賢曰神仙傳老子名耳字伯陽楚國苦縣曲仁里
人其母感大流星而有娠雖受氣天然見于李家猶
以李為姓或云老子先天地生或云天之精魄盡神

姓家之姓或云老子之生適至李樹下而生老子生而能言指李樹曰以此爲我姓或曰上三皇時爲玄中法師下三皇時爲金闕帝君伏羲時爲鬱華子神農時爲九靈老子祝融時爲廣壽子黃帝時爲廣成子顓頊時爲赤精子帝嚳時爲錄圖了堯時爲務成子舜時爲尹壽子禹時爲真行子湯時爲錫則子文王時爲支巨先生一爲守藏史皆見于羣書不出于神仙正傳未可據也葛稚川云按西昇中胎及復命胞及珠韜玉机全篇內經云老子黃白色美鬢廣額長耳大目疎齒方口原脣額有三五達理日角月懸鼻純骨雙柱耳有三漏門足蹈三五手把十文以周文王時爲守藏史武王時爲柱下史時俗見其久壽故號老子遼東華表柱上有鶴云有鳥有鳥丁零威去家千年今始歸城郭猶是人民非士贇曰江淹詩雲霞肅川張郭璞江賦納隱淪之列真挺異人之精魄江淹詩偃蹇尋青雲隱淪駐精魄道人讀丹經方上煉玉液左傳心之精爽是爲魂魄孟子隱几而臥

莊子南郭子綦隱几而臥
仰天而嘯嗒焉似喪其偶

送舍弟

吾家白額

馬

一作

駒遠別臨東道他日相思一夢君應

得池塘生春草

齊賢曰謝靈運嘗于永嘉西堂思詩竟日不就忽夢見惠連即得池塘生

春草人以爲工士贊曰吾家白額駒是用涼武昭王事也按晉史武昭王諱字玄盛姓李氏前漢將軍李廣之十六世孫玄盛少好學長習武藝爽呂光太史令郭馨及其同母弟宗繇同宿馨起謂繇曰君當位極人臣李君有國士之分家有騮黃馬生白額駒此其時也呂光永京兆段業自稱涼州牧署玄盛效穀令會燉煌太守孟敏卒于是護軍郭謙等以玄盛溫毅有惠政推爲燉煌太守玄盛初難之會宋繇什于鄴告燉煌言玄盛曰兄忘郭馨之言耶白額駒

此言語家白額駒者亦謂同所自出云爾亦老杜詩
龍準自與常人殊之意也楊修書曰吾家
子雲阮籍詩天馬出西北由來從東道

送別得書字

水色南天遠。舟行若在虛。遷人發佳興。吾子訪閒居。

日落看歸鳥。潭澄羨

一作憐

躍魚。聖朝思賈誼。應降紫

泥書。

齊賢曰詩云于物魚躍史記賈誼在長沙歲餘徵見隴右記隄州武都邵紫水有泥其色赤紫

川粘貢之用封璽書士贊曰鮑照詩臨歌不知調發與誰與歡陶潛詩閒居三十載又日入羣動息歸鳥

鳴趨林

送麴十少府

試發清秋興。因為吳會吟。碧雲歛海色。流水折江心。
我有延陵劍。君無陸賈金。艱難此為別。惆悵一何深。

齊賢曰。潘安仁秋興賦序云。于時秋也。故以秋興命篇。魏文帝詩。南行至吳會。江淹詩。日暮碧雲合。陸賈孝惠時。呂后用事。賈自度不能爭之。乃病。免有五男。乃出。所使越橐中裝賣千金。分其子。子二百金。令為生產。楚詞。惆悵兮私自憐。士贇曰。延陵季子挂劍徐君墓事。見前曹植詩。離思一何深。

送張秀才謁高中丞

并序。夢陽

余時繫潯陽獄中。正讀留侯傳。秀才張孟熊蘊滅胡之策。將之廣陵。謁高中丞。余喜子房之風感激。

于斯人。因作是詩以送之。

秦帝淪玉鏡

滅金虎

留侯降兮氛氲感激黃石老經

過滄海君壯士揮金槌報讐六國聞智勇冠終古蕭

陳難與羣

齊賢曰雜書曰秦失金鏡喻明道也漢張良傳秦滅韓良遂以家財求客刺秦王為

韓報仇東見滄海君得力士為鐵槌重百二十斤狙

擊秦皇帝博浪沙中誤中副車秦帝大怒大索天下

求賊甚急良乃逃匿下邳嘗縱步遊下邳圯上有一

老父衣褐至良所直隨其履圯下曰孺子下取履良

愕然下取履因長跪進之父以足受笑曰孺子可教

後五日平明與我會此出一編書曰讀此則為王者

師後十年陳涉起沛公略地下邳張良遂屬焉漢書

贊張良之智勇士贊曰沈約芳樹詩氛氲此一香雪

賦氛氲蕭索盧湛詩智勇冠當世

莊子終古不忒蕭陳蕭何陳平也

兩龍爭聞時天地動風雲酒酣

一作縱橫

舞長劍倉卒解漢紛宇宙初倒懸

鴻溝勢將分英謀信奇絕夫子揚清芬

一作夫子揚
卓絕超然繼

清芬胡月入紫微三光亂天文高公鎮淮海談笑却妖

氛採爾幕中畫戡難光殊勲我無燕霜感玉石俱燒

焚但灑一行淚臨岐竟何云

齊賢曰光武紀赤伏符
曰四夷雲集龍闕野漢

書叙傳曰解詁鴻門詳見史記留侯世家及漢書本
傳魯仲連曰所貴于天下之士為人排患難解紛亂
而無取也孟子曰猶解倒懸也史記項王乃與漢約
中分天下割鴻溝以西為漢東為楚胡祿山也祿山
死曰太白食月井氏星經紫微宮二十四星在北斗
北東垣七西垣七主大帝坐天子常居漢郊祀志祀
天則天文從祭墜則墜理從日月星為三光禹貢淮
海維揚州左思詩談笑却秦軍鄒衍盡忠于燕燕王
疎之衍仰天而歎六月為之降霜尚書火炎崑岡玉

漢二十八將論曰威能感會風雲奮其智勇史漢高
紀酒醑高祖擊筑自爲歌詩應劭曰不醒不醉曰酣
一曰酣洽也前漢王嘉傳臨事倉卒乃求苟彘傳論
曰自帝遷西京山東騰沸天下之命倒懸矣苟君間
開以從當此期紆民于倉卒也賈誼治安策曰天下
之勢方倒懸足反居上首頓居下倒懸如此莫之能
解陸機文賦誦先人之清芬桓沖傳曰揚芬千載之
上非史高琳詩曰何以報天子沙漠
淨妖氛謝眺張子房詩婉婉幕中書

潯陽送弟昌峒鄱陽司馬作

桑落洲渚連滄江無雲烟潯陽非剡水忽見子猷船
飄然欲相近來遲杳若仙人乘海上月帆落湖中天
一覩無二諾朝歡更勝昨爾則吾惠連吾非爾康樂

朱紱白銀章上官佐鄱陽松門拂中道石鏡迴清光

搖扇及干越水亭風氣涼與爾期此亭期在秋月滿

時過或未來兩鄉心已斷吳山對楚岫彭蠡當中州

相思定如此有窮盡年愁

齊賢曰彭澤地今為鄱陽有桑落洲九域志隸江州

潯陽郡王子猷雪夜訪戴安道于剡中見前後漢郭

林宗與李膺同舟而濟衆賓望之以爲神仙論語子

路無宿諾謝惠連靈運族弟靈運襲封康樂公禮大

夫紱色皆黃末師古曰漢儀銀印在龜紐其文曰章

謂刻曰某官之章司馬邵之佐也謝靈運詩攀崖照

石鏡牽葉入松門顧野王輿地志自人湖三百三十

里窮于松門東西四十里青松徧于兩峰張僧鑒潯

陽記石鏡山東有一圓石懸崖明淨照人見形嚴助

傳淮南王安書曰越人欲爲變必先由餘干界中章

學已寺過然後學則

未來又素心正如此曹植詩相思無終極

餞校書叔雲

少年費白日歌笑矜朱顏不知忽已老喜見春風還

惜別且為歡徘徊弄李間看花飲美酒聽鳥臨晴山

向晚竹林寂無人空閉關

齊賢曰文選古詩思君令人老歲月忽已晚嵇康所

與交者阮籍山濤向秀劉伶籍兄子咸王戎為竹林之遊世謂竹林七賢類延年詩劉伶善閉關士贇曰

阮籍詩平生少年時輕薄好弦歌王粲詩白日忽已

瞑古詩攬衣起徘徊江淹賦攀弄李兮不忍別古詩不如飲美酒

送王孝廉覲省

盧江

彭蠡將天合。姑蘇在日邊。寧親候海色。欲動孝廉船。
窈窕晴江轉。參差遠岫連。相思無晝夜。東泣似長川。

齊賢曰姑蘇臺隸唐蘇州吳郡以其近東海日所出之地故云日邊楊子孝莫大乎寧親劉恢爲丹陽尹張憑詣恢恢留宿明日乃還船須臾恢出傳教求張孝廉船召同載時人榮之土贊曰鮑照登大雷岧與妹書曰西則回江永指長波天合曹攄詩窈窕由道深子虛賦岑峯參差曹植詩相思無終極

同吳王送杜秀芝舉入京

秀才何翩翩。王許回也賢。暫別廬江守。將遊京兆天。
秋山宜落日。秀木出寒烟。欲折一枝桂。還來雁沼前。

齊賢曰古有秀才一利故永明九年策秀才文曰問

子燭嗣王論語賢哉回也唐廬州廬江郡京兆府京兆郡運命論曰木秀于林風必摧之士贊曰後漢左雄等傳論曰漢初訪舉賢良方正州郡舉孝廉秀才亦貢士之方也唐選舉志其科之目有秀才自後士人通稱謂之秀才顯延年詩陰谷曳寒烟晉郗詵對武帝曰臣舉賢良對策為天下第一第

一猶桂林之一枝崑山之片玉

洞庭醉後送絳州呂使君果流澧州

江夏

昔別若夢中天涯忽相逢洞庭破秋月縱酒開愁容
贈劍刻玉字延平兩蛟龍送君不盡意書及鴈迴峰

齊賢曰繫辭言不盡意士贊曰古詩各在天一涯漢田儋傳縱酒注師古曰縱放也放意而飲酒劔至延平津躍水化龍及迴鴈峰事見前

江淹別賦送君南浦傷如之何

與諸公送陳郎將歸衡陽

并序

件尼旅人文王明夷苟非其時聖賢低眉况僕之不肖者而遷逐枯槁固非其宜朝心不開暮髮盡白而登高送遠使人增愁陳郎將義風凜然英思逸發來下曹城之榻去邀才子之詩動清興於中流泛素波而徑去諸公仰望不及連章祖之序慚起予輒冠名賢之首作者嗤我乃爲撫掌之資乎衡山蒼蒼入紫冥下看南極老人星迴颺吹散五峰雲往往飛花落洞庭氣清嶽秀有如此郎將一家拖

金紫門前食客亂浮雲世人皆比孟嘗君江上送行

無白璧臨岐惆悵若為分

齊賢曰禹貢岷山之陽至于衡山莊子天之蒼蒼其

止色耶其氏星經老人一星在弧南為南極星主壽常以秋分日見去參三丈出丙入丁丑時候之出三

十日却沒見則大赦天下安王者壽五峰謂祝融紫蓋天柱石廩芙蓉峰也洞庭及南嶽見前楊雄解嘲

紆青拖紫拖吐賀反史靖郭君曰嬰子名又為孟嘗君待客坐語而屏風後常有侍史主記君所與客語

問親戚居處客去孟嘗君已使使存問獻遺士以此多歸孟嘗君曹植詩惆悵盈懷抱士贊曰江淹詩太

谷晦蒼蒼曹植詩何意迴飈舉漢書吳王傳寡人金錢在天下者往往而有禮記有如此者後漢馮衍傳

口經歷顯位懷金垂紫史記孟嘗君名又姓田氏卒謚為孟嘗君相齊時封萬戶于薛其食客三千人史

記虞卿說趙成王一一見賜黃金百謚白璧一雙

李詩補注

卷八

七

送趙判官赴黔府中丞叔幕

廓落青雲心結交黃金盡富貴翻相忘令人忽自哂

蹭蹬鬢毛斑盛時難再還巨源咄石生何事馬蹄閒

綠蘿長不厭却欲還東山齊賢曰楚詞廓落兮羈旅而無友生戰國策蘇秦說

秦王書十上而說不行黑貂之裘弊黃金百斤盡去

秦而歸百里奚仕秦其妻歌曰百里奚五羊皮憶別

時烹伏雌炊芡粿今日富貴忘我為海賦蹭蹬窮波

注失勢貌山濤字巨源辟河南從事與石鑒共宿濤

夜起蹴鑒曰今為何等時而眠耶知太傅臥何意鑒

三不朝與尺一令歸第細何慮也濤曰咄石

生無事馬蹄閒耶投傳而去未二年果有曹爽事郭

璞詩綠蘿結高林謝靈運詩久欲還東山注東山會

稽治

七士贊曰史范睢傳不意君能自致于青雲

之

君為魯曾子拜揖高堂裏叔繼趙平原偏承明主

思風霜摧獨坐旌節鎮雄藩虎士秉金鉞蛾眉開王

樽才高幕下去義重林中言水宿五溪月霜啼三峽

猿東風春草綠江上候歸軒

齊賢曰史記曾參南武城人字子輿孔子以為

能通孝道故授之業作孝經史記趙勝喜賓客食客

至數千人是為平原君後漢宣秉拜中丞光武特詔

中丞與司隸尚書令會同並專席而坐京師語曰三

獨坐唐制節度使辭日賜雙旌雙節詩云四國于蕃

四方于宣離騷衆女嫉余之蛾眉嵇康與阮籍向秀

劉伶籍兄子咸王戎為竹林之遊世謂竹林七賢五

溪三峽見前注士贇曰荊州記古歌曰巴東三峽巫

峽長猿啼三聲斷人腸陸機詩置酒高堂謝靈運詩

水宿淹

晨暮

送陸判官往琵琶峽

水國秋風夜。殊非還別時。長安如夢裏。何日是歸期。

王贊曰。類延年詩。水國周地險。蘇武詩。良人遠。別離各在天一方。

送梁四歸東平

玉壺挈美酒。送別強爲歡。大火南星月。長郊北路難。殷王期負鼎。汶水起垂竿。莫學東山臥。參差老謝安。

齊賢曰。秦子曰。玉壺必求其所以盛于將。必求其所以用。鮑明遠白頭吟。清如玉壺冰。克典曰。日永星火。以正仲夏。孔安國云。火蒼龍之中。星史記。伊尹名阿衡。欲于湯。無由乃爲。有莘氏媵臣。負鼎俎。以滋味說湯。人公望。呂尚。東海上人。以漁釣于西伯。西伯出獵。

善... 與言安石不起將如蒼生何

江夏送友人

雪點翠雲裘送君黃鶴樓黃鶴振玉羽西飛帝王州

鳳無琅玕實何以贈遠遊徘徊相顧影淚下漢江流

齊賢曰黃鶴樓在鄂州圖經云費文偉得仙駕黃鶴

戀此謝朓詩金陵帝王州離騷注傳曰南方有鳥其

名曰鳳天為生樹曰瓊枝高百二十仞大三十圍以

琅玕為實楚詞云願輕舉而遠遊列子顧若影則知

之十贊曰宋玉賦主人之女上翠雲之裘禮記子路

去魯謂顏淵曰何以贈我鮑照詩留連徘徊不忍散

魏志文帝紀注

曰顧影憐形

送郗昂謫巴中

瑤草寒不死移植滄江濱東風灑雨露會入天地春
予若洞庭葉隨波送逐臣思歸未可得書此謝情人

齊賢曰江淹別賦惜瑤草之徒芳楚詞洞庭波兮木
葉下傳毅士激曰閻君逐臣士贊曰謝眺詩迴瞰蒼
江流陳琳檄曰隨波漂流鮑照詩逐臣對撫心漢書曰願從思歸之士

江夏送張丞

欲別心不忍臨行情更親酒傾無限月客醉幾重春
藉草依流水攀花贈遠人送君從此去迴首泣迷津

齊賢曰天台山賦藉萋萋之芳草蔭落落之長松別
賦送君南浦傷如之何王贊曰滿岳詩欲去復不忍
任昉詩時乖不忍別欲以遣離情鮑照詩惆悵憶情
况楚詞流水而歎息蘇武詩我有一樽酒欲以贈

遠人三詩箋
曰迴首曰顧

賦得白鷺鷥送宋少府入三峽

白鷺鷥一足月明秋水寒人驚遠飛去直向使君灘

齊賢曰使君漢在峽州

送二季之江東

初發強中作題詩與惠連多慚一日長不及二龍賢

西塞當中路南風欲進船雲峰出遠海帆影挂清川

禹穴藏書地匡山種杏田此行俱有適遲爾早歸旋

齊賢曰謝靈運有登臨海嶠初發強中作與從弟惠連見羊何共和之謝靈運遊名山記云桂林頂遠則

嶠天疆中論語以吾一日長乎爾謝覽弟與覽齊名
江淹一見並相欽挹白所謂馭二龍于長途者也西
塞山在鄂州袁宏東征賦沿西塞之峻嶒陶潛詩夏
雲多奇峰禹穴見前廬山記匡續結廬于山故號匡
廬山董奉居廬山治疾病重者種杏五株輕者一株
號曰董仙杏林謝靈運詩登樓為誰師臨江遲來客
注遲猶思也士贇曰家語顏回問于孔子臧文仲武
仲孰賢孔子曰武仲賢哉回曰夫文仲其身沒而言
不朽惡未有見孔子曰身沒而言立所以為文仲也
然猶有不仁者三不智者三是則不及武仲也劉琨
詩中路阻隔謝靈運詩滅迹入雲峰
又三載期歸旋毛詩云言旋言歸

江西送友人之羅浮

南昌

桂水分五嶺衡山朝九疑鄉關渺安西流浪將何之
素色愁明湖秋渚曉寒姿疇昔紫芳意已過黃髮期

齊賢曰楚詞桂水兮潺湲鄧德南康記云大庾嶺一
桂陽中盼嶺二九真都龍嶺三臨賀萌緒嶺四始安
越嶺五裴氏廣州記云大庾始安臨賀桂陽揭陽是
五嶺衡山一名岫嶺山宿當軫翼應机衡故曰衡山
九疑山見三卷唐安西大都護府初治西州後徙治
南昌故地又徙治龜茲而故府復為西州交河郡謝
靈運詩願以黃髮期養生念將老王贊曰鮑照詩流
浪漸冉經三齡忽有白髮素髭生陶潛祭從弟敬遠
文云余嘗學仕纏綿人事流浪無成俱負素志歛策
歸來爾知我意張載詩疇昔懷微志江淹詩終覲紫
芳心李善曰紫芳紫芝也曹植詩曰王其
愛玉體俱享黃髮期尚書云詢茲黃髮 君王縱疎
散雲壑借巢夷爾去之羅浮我還憇峨眉中闊道萬

里霞月遙相思如尋楚狂子瓊樹有芳枝

齊賢曰太
白供奉翰

林道不合辭去詔賜金還山北山移文欺我雲壑巢
父伯夷羅浮峨眉並見前論語楚狂接輿張揖註騷

曰瓊樹生崑崙西李陵贈蘇武詩思復瓊樹枝以解
長飢渴士贇曰謝眺詩疎散謝公卿蕭條依掾史陸
雲詩永路隔萬里江淹詩
願一見顏色不異瓊樹枝

宣州謝朓樓餞別校書叔雲

一作倍侍御
叔華登樓歌

棄我去者昨日之日不可留
亂我心者今日之日多

煩憂長風萬里送秋雁
對此可以酣高樓蓬萊文章

建安骨中間小謝又清發
俱懷逸興壯思飛欲上青

天覽日月抽刀斷水水更流
舉杯銷愁愁更

一作復愁

人生

一作男兒

在世不稱意明朝散髮弄扁舟

一作舉棹還滄州齊

賢曰凡安國曰樂酒酣蓬萊指校書也後漢學者
稱東觀為老氏藏室道家蓬萊山建安末鄴中有魏

太子王粲
文皆入文選
故曰建安骨也
謝靈運子鳳字超宗作
殷淑儀誄帝大嘗賞曰超宗殊有鳳毛族弟惠連十
歲能屬文靈運嘉賞之云每有篇章對惠連輒得佳
語謝眺字玄暉緯之子少學有美名善草隸長五言
詩沈約嘗云二百年來無此詩也王贊曰成公綏嘯
賦集長風乎萬里陸機詩長風萬里舉五臣選曹植
詩絃歌蕩思誰與銷愁古詩齊心同所願含意俱未
仲人生寄一世奄忽若飄塵鮑照詩男兒生世間輒
軻欲何道范曄後漢書曰袁宏散髮絕世鍾會遺榮
賦散髮抽簪
永絕一合

宣城送劉副使入秦

君即劉越石雄豪冠當時
淒清橫吹曲慷慨扶風詞
虎嘯俟騰躍雞鳴遭亂離
千金市駿馬萬里逐王師

結交樓煩將侍從羽林兒統兵捍吳越豺虎不敢窺

大勲竟莫叙已過秋風吹齊賢曰晉書劉琨字越石少得雋朗之目與范陽祖

約俱以雄豪著名元嘉元年為并州刺史在晉陽嘗

為胡騎所圍數重城中窘迫無計琨乃乘月登樓清

嘯賊聞之皆懷然長歎中夜奏胡笳賊又流涕歔歔

向曉復吹之賊並棄圍而走橫吹見三卷劉琨有詩

風歌祖逖與琨俱為司州主簿共被同寢中夜聞荒

雞鳴蹴琨覺曰此非惡聲也因起舞戰國策郭隗謂

燕昭王曰古之君人有以千金求千里馬者三年不

能得消人請求之君遣之三月得千里馬已死買

其首五百金反以報君不期年千里之馬至者三史

項羽紀漢有善射者樓煩楚挑戰三今樓煩輒射殺

之應劭曰樓煩胡也今樓煩縣漢百官公卿表武帝

太初元年初置建章營騎後更名羽林騎又取從軍

死事之子孫養羽林官教以五兵號曰羽林孤兒王

李詩補註卷八

俗王褒頌曰故世必有聖智之君然後有賢明之臣
虎嘯而生谷風龍興而致雲氣雖鳥雖木傳事然對
偶則祖陸機詩云虎嘯深谷底雞鳴高樹巔淮南子
曰人主有伐國之志邑犬羣鳴衆雞夜鳴管載記曰
雞夜鳴者不利于行師毛詩亂離瘼矣王粲詩西京
亂無象豺
虎方構患秉鉞有季公凜然負英姿寄深且戎幕望

重必台司感激一然諾縱橫兩無疑伏奏歸北闕鳴

騶忽西馳列將咸出祖英寮惜分離斗酒滿四筵歌

嘯宛溪湄君攜東山妓我詠北門詩貴賤交不易恐

傷中園葵

齊賢曰書左杖黃鉞右秉白旄戎幕將幕也羊祐表云恩詔拔臣使同台司注台司

三公也曹植詩季布重然諾漢書貫高趙國立名義不侵爲然諾者也史記太史公曰夫言縱衡強秦者

太抵皆三晉之人蕭何立東關北關北山移文鳴騶
入俗如淳漢書注騶馬以給騶使乘之崔寔四民月
令曰祖道神也黃帝之子好遠遊死于道路故祀以
為道神以求道路之福毛詩仲山甫出祖陸納以斗
酒與桓溫別事見前宛溪隸宣州晉書謝安寓居會
稽雖放情丘壑然每遊賞必以妓女從毛詩北門刺
仕不得志也言衛之忠臣不得其志爾古詩採葵莫
傷根結交莫羞貧傷根葵不生羞貧交不成王贊曰
詩曰其嘯也歌左思詩何事待嘯歌灌木自
悲吟漢鄭當時傳曰一貴一賤交情乃見

昔贈紫

騶駒今傾白玉卮同歡萬斛酒未足解相思此別又

千里

一作此外
別千里

秦吳渺天涯月明關山苦水劇隴頭

悲借問幾時還春風入黃池無令長相思折斷綠楊

枝齊賢曰毛詩有騶有駟注赤身黑鬣口騶韓非子
名騶曰人有白玉卮而無當有瓦卮

而君不以飲以其無當即爲人主而漏泄其羣臣之
語譬王卮之無當王褒燕歌行無復漢也關山月惟
有漢北薊城雲史記吳泰伯世家云吳王北會諸侯
于黃池古詩上言長相思下言久離別
蘇武詩曰生當復來歸死當長相思

涇川送族弟醇

涇川三百里若耶羞見之錦石照碧山兩邊白鷺鷥
佳境千萬曲客行無歇時上有琴高水下有陵陽祠
仙人不見我明月空相知問我何事來盧敖結幽期
齊賢旦涇縣在宣州西一百五里若耶溪隸越州徐
浩遊之曰曾子不居勝毋之門吾豈遊若耶之溪改
爲五雲溪顧愷之啖蔗自尾至頭曰漸入佳境宣州
有琴高山琴溪即琴高控鯉之地陵陽山竇子明得

仙及盧敖
事並見前

蓬山振雄筆繡服揮清詞江湖發秀色草

木含榮滋置酒送惠連吾家稱白眉愧無海嶠作敢

闕河梁詩見爾復幾朝俄然告將離

齊賢曰後漢學

山謝惠連靈運族弟馬良眉有白毫于兄弟中最良

靈運登臨海嶠與族弟惠連詩與子別山阿含駿赴

修軫中流袂就判袂去情不忍又云欲折一生歡并

奔十里遊李少卿與蘇武詩攜手上河梁遊子暮何

之徘徊蹊路側惆悵不得離王贊曰後漢竇章傳章

少好學有文章是時學者稱東觀為老氏藏室道家

蓬萊山太僕鄧康遂薦章入士求觀為校書郎中流漾

陸機詩秀色若何餐張景陽詩秋草含綠滋

綵鷁列岍叢金羈歎息蒼梧鳳分棲瓊樹枝清晨各

飛去飄落天南垂望極落日盡秋深暝猿悲寄情與

流水但有長相思

齊賢曰：鷓鴣形。曹植詩：白馬歸金羈。鄭玄曰：鳳皇之性非梧桐不棲。廣記曰：南海人以刺桐為蒼梧，因以名郡。梧州惟城外有二、四株，憔悴不榮，未嘗開花。瓊樹枝見前垂邊也。漢書：言表周匝三重。顏師古曰：三重謂北、東、南也。沈約詩：清晨越伊水。

五松山送殷淑

秀色發江左，風流奈若何。仲文了不還，獨立揚清波。

載酒五松山，積然白雲歌。中天度落月，萬里遙相過。

撫酒惜此月，流光畏蹉跎。明日別離去，連峰鬱嵯峨。

齊賢曰：張衡七辯曰：淑世窈窕，秀色美艷。樂府詩：秀色若可餐。史記：項王自為詩曰：虞兮虞兮，奈若何。後仲文少有才藻，美容貌，謝靈運嘗曰：若箴仲文讀書，半袁豹，則文才不減班固。五松山在宣州南陵楊雄。

贊曰雄家素貧嗜酒人希至其門時有好事者載酒
肴從遊學仙傳拾遺曰王毋謠曰白雲在天道里悠
遠山川問之將子無死尚能復來楚詞驥垂兩耳中
坂蹉跎王贊曰晉王湛傳論曰朝野挹其風流淮南
子曰卓然獨立魏文帝詩明月照高樓流光正徘徊
阮籍詩娛樂未終妙白日忽蹉跎晉衛恒論書曰山
嶽嵯峨而連岡

送崔氏昆季之金陵

放

一作吳

歌倚東樓行子期曉發秋風渡江來吹落山

上月主人出美酒滅燭延清光二崔向金陵安得不

盡觴水客弄歸棹雲帆卷輕霜扁舟敬亭下五兩光

飄揚峽石入水花碧流日更長思君無歲月西笑阻

河梁

齊賢曰金陵敬亭並見前郭璞江賦覘五兩之動靜注兵書曰凡候風法雞羽重八兩建五丈

旗取羽繫其顛立軍營中許慎淮南子注曰晚候風也晚音柏楚人謂之五兩李陵詩携手上河梁士贇曰鮑照詩行子心腸斷謝朓詩開軒滅華燭月露皓已盈沈約詩清光信悠哉後漢馬融廣成頌曰然後方餘鯨連舳舟張雲帆施蛻蟻西笑事見前

登黃山凌鼓臺送族弟溧陽尉濟充泛舟赴華

陰當塗

鸞乃鳳之族翱翔紫雲霓文章輝五色雙在瓊樹棲

一朝各飛去鳳與鸞俱啼炎赫五月中朱曦爍河堤

爾從泛舟役使我心魂悽

齊賢曰山海經女牀之上
有鳥狀如翟五彩畢備聲

似雉而尾長名為鸞瑞應圖鸞者鳳凰之佐離騷云
飄風屯其相離兮帥雲霓而來御左傳秦歸晉累自
雍及絳命曰汎舟之後王贊曰楚詞衆鳥皆有行列
兮鳳獨翱翔而無所薄郭璞詩朱曦將由白江文通
詩何用秦地無草木南雲喧鼓鼙君王減玉膳早起
苦心魂

思鳴雞漕引救關輔疲人免塗泥宰相作霖雨農夫

得耕犁靜者伏草間羣才滿金閨空乎無壯士窮居

使人低齊賢曰左傳野無青草毛詩雞既鳴矣朝既

京師飢帝將幸東都召問所以救人者耀卿曰陛下
既東巡百司畢從則太倉三輔可遣重臣分道賑給
自東都益廣漕運以實關輔關輔既實則乘輿西還
事茂不濟且國家大本在京師但秦地狹水旱易匱
往貞觀永徽時祿廩者少歲漕粟二十萬略足今用
度廣廣漕運數音且不步臣願廣夾運道使京師常

有三年食雖水旱不足憂天子然之拜黃門侍郎
中書門下平章事充轉運使于是置河陰集津三門
倉引天下租由孟津汧河而西三年積七百萬石省
運費三十萬緡左傳絳縣老人辱在塗泥說命用汝
作霖雨江淹別賦金閨之謬參金閨金馬門也謝眺
詩既通金閨籍王贊曰南史沈文秀傳曰逃命草間
陶潛詩念送君登黃山長肅倚上一作天梯小舟若鳬

鴈大舟若鯨鯢開帆散長風舒卷與雲齊日入牛渚

晦蒼然夕烟迷相思在何許一作杳在洛陽西齊賢曰大


白自注時在當塗即今之太平也黃山在城北凌敲
臺在其上毛詩弋鳬與雁古今注雄曰鯨雌曰鯢江
賦長風颺以增扇江淹賦卷舒雖萬緒牛渚磯隸當
塗即溫嶠燃犀處華陰在洛陽之西王贊曰楚詞臨
深水而長嘯陸機詩長風萬里舉淮南子曰
盈縮卷舒與時變化阮籍詩曰良辰在何詩

送儲邕人之武昌

黃鶴西樓月。長江萬里情。春風三十度。空憶武昌城。
送爾難爲別。銜杯惜未傾。湖連張樂地。山逐泛舟行。
諾謂楚人重。詩傳謝眺清。滄浪吾有曲。寄入棹歌聲。

齊賢曰黃鶴樓見前孫權破關羽自公安徙都鄂改名武昌今鄂州之東百二十里武昌縣即權故宮與黃州相對劉伶酒德頌銜杯刺膠莊子非門成問于黃帝曰帝張咸池之樂于洞庭之野吾聞之俱復聞之怠謝眺詩洞庭張樂地瀟湘帝子遊季布傳曹丘生口楚人諺曰得黃金百斤不如季布一諾屈原漁父歌曰滄浪之水清兮可以濯我纓士贊曰史記未嘗銜杯酒接慙慙之歡郭璞江賦歎漁父之擢歌

分類補註李太白詩卷之十八



送僧還人之武昌

黃鶴西樓月長江萬里情春城三十度空憶武昌城
送僧雖為別銜杯惜未傾湖邊張樂地山逐泛舟行
諸謂楚人童詩傳謝眺浩滄浪吾有曲寄入棹歌聲
齊賢曰黃鶴樓見前孫楚破關以自公安徙都致敗
名武昌今鄂州之東百二十里武昌縣即權吳王也
黃州知府劉德修酒德亭所不制終莊子杜門大刺于
道平曰清溪廣也之樂十洞庭之野子之之海復好
之志謝朓詩洞庭張樂地滿湘帝子今曰身寄
王曰豐人子日解黃金百斤不如無也
父取曰浪之木清矣可以濯我纓王侯之吏知大
常無杯無投懸繫之樂其賦歎清之之賦歌

